


中國歷史地理

下

石璋如等著



中國文化大學出版部印行

石璋如等著

中國歷史地理
(下)

二人，曆六十萬言。

金元，即升，書外十五篇。增補卷十

前外，書外，正外十國，宋外，卷

十、前外

中國文化大學出版部印行

中華民國七十二年六月新一版

中國歷史地理 (下)

全二冊定價：精裝每部新臺幣五〇〇〇元整
平裝每部新臺幣四〇〇〇元整

版權所有



不許翻印

著作者：石璋如等
出版者：中國文化大學出版部
代表人：朱重聖
登記證：行政院新聞局版臺業字第二一一六號

地址：臺北市陽明山華岡于正路一號
電話：八六一一八六一
郵撥：一〇一四二五號帳戶
門市部：華岡書城

印刷者：華岡印刷廠
地址：臺北市漢口街一段三十一號二樓
電話：三八一二八一

地址：臺北市陽明山華岡大功館
電話：八六一一八六一

中國歷史地理 下冊

目次

唐代篇	嚴耕望	三七五
五代十國篇	嚴耕望	四四五
宋代篇	方豪	四六九
遼金元篇	姚從吾	五七九
明代篇	吳緝華	六二七
清代篇	杜維運	六七一

唐代篇

嚴耕望

一 約論

唐以東方共主之姿態出現，且爲第七八九世紀世界上最文明繁榮之國家，亦爲中國史上最光輝鼎盛之時代。然有唐三百年間前後情勢差異特甚，上自政府行政體系，下至庶民飲食衣著，無不有劇烈之變動，實爲自秦漢至明清間最大之轉變關鍵，而南北經濟文化之轉移尤彰明較著，影響國勢民生又最顯焉。錢師賓四云：「唐中葉以前，中國經濟文化之支撐點偏倚在北方（長江流域）。此大轉變，以安史之亂爲關捩。」今人論南北人文之轉變者多矣，未若此語之簡要精悍也。竊嘗欲撰唐代地理圖志一書，以經濟文化爲中心，而著眼於南北盛衰之轉變，以申師說；荏苒數年，未果完成。今草此篇，本期稍近精密，復病腳不果，僅就管見，粗著大端，不能精也。不暇書史，且以爲文辭，與前諸書，頗感天壤。昔者以東，河回西北，關西東西，東則大體言之，唐代黃河流域之經濟文化承隋代情形而高度發展。杜佑述天寶間交通商旅之盛況，東至宋汴，西至涼益，南至荆襄，北至太原范陽，亦即當時最繁榮之區域也。杜甫憶昔云：「憶昔開元全盛日，小邑猶藏萬家室，稻米流脂粟米白，公私倉廩俱豐實。」又云：「齊紈魯縞車班班，男耕女織不相失。」此實亦就河渭流域而言耳。河渭流域既繁榮如此，故政府財計，皆就近取足。東城老父述開天盛

事有云：「江淮綺縠，巴蜀錦繡，但充後宮玩好而已。」意謂非政府財計所仰賴；非虛言也。而大曆中劉晏與元載書云：「函陝凋殘，東周尤甚。過宜陽、熊耳，至虎牢、成皋，五百里中，編戶千餘而已，居無尺椽，人無煙爨，蕭條悽慘，獸遊鬼哭。」安史亂後北方殘破之情，於此可見。其後雖稍稍恢復，然仍不逮以前遠甚。而河北始終爲安史餘孽所割據，昔日人文淵藪，一變爲蠻貊之區，風俗獷戾，惟習戰獵，不但不知書史，抑且奴役文儒，與前期相較，誠如天壤。汴徐以東，略同河北，隴右河西，更陷蕃戎，惟西都太原略存舊觀而已。

長江流域惟江浙之間自東漢六朝以來漸趨繁盛，爲人文淵藪。成都平原人文亦盛。其餘雖荆襄要區，仍以俗雜蠻獠爲中原士大夫所輕；江嶺之間更無論矣。安史亂後，中原殘破，士大夫由荆襄、徐揚兩道徙寓江南者極眾，兼以實際需要，產業交道大形發達，遂爲全國經濟文化中心之所在。此觀人口之增加、都市之繁榮、產業之發達、文風之蔚盛、佛教之分佈，足可徵知；故政府財計遂惟江南是賴。元和二年，李吉甫上元和國計簿云：「總計天下方鎮四十八，：其鳳翔、鄜坊、邠寧、振武、涇原、銀夏、靈鹽、河東、易定、魏博、鎮冀、范陽、滄景、淮西、淄青十五道凡七十一州不申戶口。每歲賦入倚辦止於浙江東西、宣歙、淮南、江西、鄂岳、福建、湖南等八道合四十九州。」然則韓愈云：「當今賦出於天下，江南居十九。」誠不虛矣。大江流域甚廣，分區言之，揚潤蘇杭間及荆益地區，開發既早，中唐以後人文鼎盛自不待言；江西人文本較落後，而今蔚然鼎盛，寢駕蘇杭，抗衡荆益，此觀人口、交通、產業、佛教諸端可知也。故就進步之速度而言，江西第一，浙南、湖南、福建次之，嶺南又次之，惟

黔中僻壤少發展耳。然則吾人雖謂長江以南之開發至唐漸趨成熟可也。

高麗中唐以後長江流域之經濟文化既繁榮蔚盛如此，然其人才在政治上卻仍居於中下級之地位，而高官厚祿以歷史傳統之故，仍北人爲多。又以特種因緣，隱持國政者，且爲出身閩嶺川南俗雜蠻獠之宦官集團。政治與經濟人文不能平衡如此，此亦中唐以後中央政治不能穩定之一重要因素歟？及唐末大亂，禍延江南，汴宋鄧襄迄乎江淮皆成割據之局，東南阻絕，賦稅不供，中央失此支援，遂抵於亡矣。六六四

二 疆域與邊防

唐代疆域前後盛衰變動極劇，大體言之，可分四期：（一）極盛期，唐初太宗高宗時代。（二）定型期，玄宗開元天寶時代。（三）漸衰期，安史亂後之中唐時代。（四）式微期，晚唐時代。至德宗開元（一）極盛期 自高祖開國，已南有安南交趾。太宗北平突厥、鐵勒，西平吐谷渾、高昌、焉耆、西突厥，東征高麗。高宗繼之，滅高麗、百濟。於是唐地東盡於海，兼統朝鮮半島，南有今越南東北沿海狹長地帶，西至阿姆河，北盡貝加爾湖。乃於四疆分置六都護府以統之：

（1）安西—太宗貞觀十四年（西元六四〇年）滅高昌置西州（吐魯蕃），乃置安西都護府於此，以統西域諸州及波斯以東臣附諸國。顯慶三年徙治龜茲（庫車），上元中置龜茲、于闐（一名旼沙，今和闐）、疏勒（今縣）、焉耆（今縣南）四都督府，謂之四鎮，仍統領於都護。龍朔元年又於于闐以西波斯以東置月氏、條支、波斯等都督府，督羈糜州八十、縣一百一十、軍府一百二十六，亦皆統攝於安

西都護，是直接統治西抵葱嶺，羈縻統治西盡裏海矣。咸亨元年，安西爲吐蕃所陷，遂罷四鎮。武后長壽二年（六九三）復安西及四鎮，而四鎮者有碎葉（中央亞細亞Chu河畔Tokmak附近）無于闐，則直接統治又逾今新疆界矣。

(2) 北庭—太宗貞觀十四年置庭州（迪化）於天山之北，高后長安二年（七〇二）置北庭都護府，與安西以天山爲界分治南北，蓋亦加強統治之意也。

(3) 燕然—貞觀末，用兵漠北平薛延陀，鐵勒諸部皆來降附。置瀚海（回紇部）、燕然（多濫葛部）、金微（僕骨部）等六都督府及臬蘭等七州，各以其酋帥爲都督刺史。諸部請於漠北開參天可汗道，置驛六十六所以便通貢獻與使命，遂置燕然都護府於金山（今科布多境）以統攝之。龍朔三年移治所於回紇部落，且改名瀚海都護府（約在今庫倫附近）。總章二年改稱安北都護府，所統皆在大漠以北，今外蒙古及西伯利亞之南部。

(4) 單于—永徽元年始置，領狼山、雲中、桑乾三都督府，蘇農等十四州，所統皆在大漠以南（會要、通鑑），後蓋廢。龍朔三年（六六三）置雲中都護府，治雲中（今歸綏境）。麟德元年（六六四）

復改爲單于都護府（兩志），仍與瀚海都護府以大漠爲界分統南北。

(5) 安東—高宗龍朔中滅百濟，總章元年（六六八）滅高麗，皆分爲府州縣，置安東都護府於高麗首都平壤以鎮統之。其轄境約當今東三省之南半部，以及朝鮮半島之中北部。於是唐之東境臨逼日本海。

(6) 安南—高宗調露元年(六七九)於交州(越南河內)置安南都護府，統今越南東北沿海諸府州兼控海南諸國。

綜上以觀，唐初聲威最盛，西有天山南北西逾葱嶺至碎葉水上(吹河)，西南經今天山南路、青海中部、川康之間、雲南東北部至越南東北沿海之地，皆在唐人直接統治下，碎葉以西至於波斯皆在羈縻統攝之列，而西南吐蕃(西藏)、天竺(印度北部)、南詔及交趾(越南)海洋諸國亦皆賓附。自碎葉東經巴爾喀什湖，互西伯利亞至貝加爾湖，東盡朝鮮半島，皆置羈縻府州縣。故唐代極盛時期之版圖，視漢又遠過之。

(二) 定型期 上述版圖，惜惟西疆南疆維持較久，而北疆東疆極不穩定。北方東突厥之默啜與鐵勒部之回紇相繼復興，時入長城爲邊患，漠南之單于都護府且已無力控馭，安北都護更難立足。景雲三年(七二二)張仁愿於河套外大河北岸築中東西三受降城以遏其鋒，開元二年(七一四)徙安北府就中受降城(包頭附近)，旋又西徙，終唐世不改，其地約當今五原縣北之河外。東方朝鮮半島旋起叛亂，上元三年(六七六)徙都護府治遼東故城(今遼陽)，旋徙新城，開元二年復內徙於營州(詳後)平州(河北盧龍)，是名存實亡矣。故玄宗時代之西疆南疆除青海中部爲吐蕃所據外，略同初唐，而北東兩疆則大蹙。大體言之，西域有安西北庭兩都護府統天山南北龜茲、焉耆、疏勒、碎葉四鎮諸州縣，兼控葱嶺以外西盡波斯諸國，略如唐初；北庭之東有伊州，安西之東有西州，伊西以東至隴西，自古稱爲河西走廊，南以祁連山與吐蕃爲界，北以合黎山與回紇爲界，中間置沙(敦煌)、瓜、肅、甘、涼(武威)諸

州爲之控制，而涼州尤爲遠控西北之重鎮。由涼州而東南，折而東北，以賀蘭山爲國界，至河套外折而東，遵陰山南麓至歸綏，再略循今長城至臨渝關（山海關）爲國界，關外惟營州而已，遼水以東非復唐域。由涼州而南有湟水上流，以赤嶺與吐蕃分界，嶺在鄯城縣（西寧）西南二百里即今日月山隘道，爲青海湖與河湟之分水嶺。唐於其東二十里置天威軍（一名振威軍，蓋今貴德、共和縣北）以鎮之。自赤嶺而南有洮水上流，略以西頃山爲唐蕃界。又南包岷山，復南以大渡水上流之大金川界吐蕃，又南盡雅州西境九十里西山谷口之和順鎮，黎州西境一百八十里之廓清城（臨大渡河），其西則吐蕃也。又南盡嶺州（西昌）西境、姚州（雲南姚安縣仍名姚州）西南境，蓋以今雅瓏江、泡江（唐名蜻蛉江）與南詔界。又東有曲州（約今雲南曲靖）、播州（貴州遵義西）。又東南有沅水上流之獎州（芷江、鎮遠間）、敘州（黔陽），復南循今湘黔界。又西循黔桂界，有今廣西全省之地，而田州（田陽縣）之武龍縣（百色之西）爲最西疆。今黔省中西南部及雲南東鄙仍僅羈縻而已。自田州而南有今越南東北沿海之狹長地帶，置峰、交、愛、演、驩、福祿、湯等州，而武安州最居南鄙（舊志最南爲景州，今Hue，越南東海岸中部）。由此東北至遼河口，沿海島嶼皆入版圖，而瓊州最大。此時期中，中國文化高度發展，而北西東三面之鄰國亦日強，六都護不能控禦，遂於緣邊置十節度使以鎮禦之。今據舊志參元和志略述之。

(1) 安西四鎮節度使—治龜茲（新疆庫車），多以安西都護兼任，撫寧西域諸國，統攝龜茲、焉耆、于闐、疏勒四鎮及葱嶺等守捉。有兵二萬四千，馬二千七百。

(2) 北庭節度使—治庭州（新疆迪化），統瀚海、天山、伊吾三軍，防制突騎施、堅昆、斬啜。

南、邕管四經略使。有兵一萬五千四百。（卷八）漸衰期。亂史安後，唐室內顧不暇，吐蕃乘之大肆掠奪，既陷隴右河西，兵鋒時及長安。建中四年（七八三）有清水之盟。唐有涇州西之彈箏峽，隴州西之清水縣，鳳州西之同谷縣，及劍南西山大渡河以東松茂雅黎諸州之地。吐蕃有蘭、渭、原、會、成諸州（今地詳下節）及劍南維州大渡河西南之地。其時惟北庭、安西二府得回紇支援尙能困守。及貞元三年（七八七）吐蕃敗回紇，兩府亦陷，自此隴坂以西，疆土盡失。南詔亦掠姚曲等州，安南都護所領亦止於愛、驩。故此時邊疆，惟靈州以東略存舊壤，靈隴以西及西南邊徼蹙地數千里。旋韋臬治蜀，收復嶠、姚，自此至會昌末六十年間，變動較少。大中三年（八四九）吐蕃內亂，唐乘機復秦、原、威三州及蕭關（卽武州）、石門、六盤、制勝等七關；旋沙州首領張義潮奉瓜、沙、伊、肅、甘等十一州來降，河渭二州亦歸附。於是伊、沙以東略復舊壤，此爲中唐以來最盛時期，然僅十餘年而局勢大變。（四）

（四）式微期。咸通中南詔強盛，盡取大渡河與戎瀘以南之地，於是今貴州全省與廣西西半部皆失。及黃巢之亂，安南亦失，河西亦爲回鶻所據，迄於唐亡。

三 行政區畫

高祖改郡爲州，太守爲刺史，又置都督府以統之。太宗貞觀元年（六二七）省併州縣，又因山川形勢，分天下爲關內、河南、河東、河北、山南、隴右、淮南、江南、劍南、嶺南十道。至十四年定簿，

凡領州府三百六十，縣一千五百五十七。開元二十一年分山南爲東西兩道，分江南爲東西及黔中三道，又析關內、河南，特置京畿、都畿兩道，共凡十五道，各置採訪使，檢察如漢刺史之職。此爲兩唐書地理志所同者（舊志前敘如此；但本文又無黔中而有河西，云爲景雲二年分置）。而據冊府元龜卷一六二所載開元二十二（原譌作三）年二月辛亥初置十五道採訪使詔及唐六典戶部卷，其時十五道有河西，無黔中，治所亦往往與兩志不同。蓋六典冊府所載爲初分十五道時制度，其時隴右遠控西域，而黔中草萊未闢，宜其分隴右置河西，不分江西置黔中也。兩志所載疑安史亂後之制，其時河西已失，而江南西道轄地遼闊，故分置黔中以足十五道之數耳；兩志以爲開元制度，誤矣。

分道單位雖由十個增爲十五個，惟十道之制行之已久，故六典及新舊兩志仍以十道爲單位。今據六典述開元中十道十五道轄州，並就六典（除河北道外，各道第一州卽冊府之治所，可知六典第一州亦卽治所，如一般地志例）、冊府（除京畿都畿採訪使皆以御史中丞兼領外，其餘十三道採訪使皆以轄境一大州首長兼領，此卽治所也）及兩志注明其治所如次（州名下括弧中爲本州治所在今某縣境。凡不注者，皆卽今縣名或清末州名）：

（一）關內道 東拒河，西抵隴坂，南據終南山，北邊沙漠。領京兆府（西安）及華、同（大荔）、岐（鳳翔）、邠（地志，以上爲京畿）、隴、涇、寧、坊（中部）、鄜、丹（宜川）、延（延安）、慶（慶陽）、鹽（楊圖在靖邊環縣間）、原（固原）、會（靖遠北）、靈（寧夏西南靈武）、夏（榆林西北二百里）、豐（五原南黃河南岸）、勝（托克脫西南黃河南岸）、綏（綏德）、銀（米脂西）二十

一州，及安北、單于兩都護府；其原、慶、靈、夏、延及兩都護各管羈縻州。一冊府，京畿採訪使治京師，關內採訪使治華州。兩志，皆治京師。

(二) 河南道 東盡於海，西距函谷，南瀕淮，北薄河。領河南府（洛陽）及陝、汝〔地志，河南汝州爲都畿；開元中當包陝號鄭〕、鄭、汴（開封）、蔡（汝陽）、許、豫（汝南）、穎（阜陽）、陳、亳、宋（商邱）、曹、滑、濮、鄆（東平）、濟（長清）、齊（濟南）、淄（淄川）、徐、兗、泗（盱眙）、沂、青、萊、登、密（諸城）、海二十七州。一冊府，都畿採訪使治東都，河南採訪使治汴州。兩志同。

(三) 河東道 東距恆山，西據河，南抵首陽太行，北盡邊塞。領太原府及潞（長治）、澤、晉（臨汾）、絳、蒲、虢（靈寶南）（或屬河南道）、汾（汾陽）、慈（吉）、隰、石（離石）、沁（沁源）、儀（遼）、嵐、忻、代、朔、蔚、雲（大同）十八州。一六典、冊府，治太原。兩志，治蒲州。

(四) 河北道 東瀕海，南瀕河，西距太行恆山，北盡邊塞，東北至遼水。領懷（懷慶）、衛（汲縣）、相（安陽）、洺（永年）、邢（邢台）、趙、恆（正定）、定、易、幽（北平）、莫（任邱北）、瀛（河間）、深、冀、貝（清河）、魏（大名）、博（聊城）、德、滄、棣（惠民東南六十里）、媯（懷來）、澶（密雲）、營（當在錦州、朝陽、凌源三縣間）、平（盧龍）二十四州及安東都護府；其幽、營、安東各管羈縻州。一六典，治懷州。冊府，治魏州。兩志，亦治魏州。

(五) 山南道 東接荆，西抵隴蜀，南控大江，北界終南山。東道領荆（江陵）、襄（襄陽）、鄧

商、復（沔陽）、郢（鍾祥）、隨、唐（唐河）、峽（宜昌）、歸、均、房、金（安康）、夔（奉節東）、萬、忠十六州。一六典、冊府，治荊州。兩志，治襄州。西道領梁（南鄭）、洋、集（南江）、通（達縣）、開、壁（通江）、巴（巴中）、蓬（蓬縣東北百五十里）、渠、涪、渝（重慶）、合、鳳、興（略陽）、利（廣元）、閬（閬中）、果（南充北）十七州。一六典、冊府及兩志，皆治梁州。

（六）隴右道 東抵隴坂，西盡葱嶺，南接蜀及吐蕃，北界朔漠。開元中分（舊志云景雲中已分）爲隴右河西兩道。隴右道領秦（天水西六十里，楊圖在秦安）、渭（隴西）、成、武（武都北三百五十里）、洮（臨潭西南七十里）、岷、疊（臨潭南百八十里）、宕（岷縣南百二十里）、河（臨夏）、蘭、鄯（樂都）、廓（西寧南百八十里，黃河北岸）十二州。其秦、洮、岷、鄯又領羈糜州。一六典、冊府，治秦州。兩志，治鄯州；蓋就未分河西時而言。河西道領涼（武威）、甘（張掖）、肅、瓜（安西北）、沙（敦煌）、伊（伊吾）、西（吐魯蕃）七州及北庭、安西二都護府。其涼、甘、北庭、安西又領羈糜州。一六典、冊府，治涼州。

（七）淮南道 東臨海，西抵漢，南抵江，北距淮。領揚、楚（淮安）、和、滌、濠（鳳陽東北）、壽、廬（合肥）、舒（安慶）、蕲、黃（黃岡）、沔（漢陽）、安（安陸）、申（信陽南四十里）、光十四州。一六典、冊府及兩志，皆治揚州。

（八）江南道 東臨海，西據涪陵水（烏江）中下游，有今貴州東北半部，南極嶺，北帶江。東道領潤（鎮江）、常、蘇、湖、杭、歙、睦（建德）、衢、越（會稽）、婺（金華）、台、溫、明（寧波

()、括(麗水)、建(建甌)、福、泉、汀十八州。一六典、冊府，治潤州。兩志，治蘇州。西道領宣(宣城)、饒、撫、虔(贛縣)、洪(南昌)、吉(吉安)、郴、袁、江(九江)、鄂(武昌)、岳(岳陽)、潭(長沙)、衡、永、道、邵(邵陽)、禮、朗(常德)、辰(沅陵)、敘(黔陽)、錦(麻陽)、施(恩施)、南(綦江桐梓間)、溪(沅陵永綏乾城間)、思(婺川印江間)、黔(彭水)、費(在思州北)、業(芷江西百里)、巫(芷江西七十里)、夷(正安南)、播(遵義)、溱(綦江)、珍(正安桐梓間)三十三州及羈縻州。一六典、冊府，治宣州。兩志，治洪州。兩志又別辰州以下爲黔中道，治黔州。蓋中葉以後事。

(九) 劍南道 東接山南黔中，北連隴右，西逾大渡河界吐蕃，南逾江接羣蠻，西南拒瀘水(雅礪江)界南詔。領益(成都)、蜀(崇慶)、彭、漢(廣漢)、綿、劍(劍閣)、梓(三台)、遂(遂寧)、普(安岳)、資(資中)、簡(簡陽)、陵(仁壽)、邛(邛崃)、眉、雅(雅安西)、嘉(樂山)、榮、瀘、戎(宜賓)、黎(漢源)、茂、龍(平武)、扶(文龍二州間)、文、當(松州西)、松(松潘)、靜(當州西，大渡河西)、柘(楊圖在大渡河上流大金川西約今康定地方)、翼(茂縣北疊溪營)、悉(理番大渡河間)、維(理番東南)、嵩(西昌)、姚(雲南姚安)三十三州。一六典、冊府及兩志，皆治益州。

(十) 嶺南道 東南瀕海，北據五嶺，西極羣蠻，西南據今越南東北沿海地帶。領廣、循(惠陽)、潮、漳、韶(曲江西)、連、端(高要)、康(德慶)、岡(新會)、恩(恩平)、高(茂名東北)

、春（陽春）、封（封川）、辯（化縣）、龍（地志作瀧，今羅定）、新（新興）、番（茂名）、雷、羅（廉江北）、儋、崖（瓊山東南）、瓊（定安）、振（崖縣）〔以上廣府管內〕、桂（桂林）、昭（平樂）、富（昭平）、梧（蒼梧）、賀、龔（平南）、象、柳、宜（宜山）、融、古（？）、嚴（來賓）〔以上桂府管內〕、容、藤（藤縣江北岸）、義（岑溪）、寶（信義）、禺（容縣陸川間）、白（博白）、廉（合浦）、繡（黨州西北）、黨（鬱林縣北）、牟（鬱林）、巖（？）、鬱林（興業北）、平琴（鬱林西北八十里）〔以上容府管內〕、邕（邕寧）、賓、貴、橫、欽（欽縣北）、潯、瀼（上思）、籠（扶南東）、田（田陽）、武（？）、環（思恩河池北）、澄（上林）〔以上邕府管內〕、安南（河內）、驩（愛州南）、愛（清華）、陸（防城西海岸）、峰（安南西北）、湯（祿州南）、萇（？）、福祿（驩州南）、龐（？）七十州（實數之僅六十九，蓋脫文），及諸羈縻州。一六典、冊府及兩志，皆治廣州。

總凡府三，州三百零七，都護府六，此開元二十一至二十五六年間版籍也。至二十八年則府州三百二十八，縣一千五百七十三（兩志）。天寶十三載，郡三百二十一，縣一千五百三十八，鄉一萬六千八百二十九（舊紀）。

前節述節度使本為邊防而設。安史亂後，軍人跋扈，四郊多壘，故內地亦置節度，權輕者稱防禦使，皆帶觀察處置使之號，其非軍事區，則單稱觀察處置使。故就行政區畫而言，統稱觀察區可也；惟西南有經略都護之號，地位又在觀察之下耳。於是舊有之道名存實亡。此種區畫通常稱為方鎮，亦曰道，